





H. XIII. 8

Nova-Tacina. Liter.~

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Inenicum sive de differentiis Religionum conciliandi
Comentatio.

Adl. 11/11
D. O. M. A.
GYMNASII ETHICI
EXERCITATIO IX.

De
Liberalitate &
Modestiâ.

Quam
PRÆSIDE
HENRICO NICOLAI,
Phil. Profesf. Publ.

Placide ventilationi subjicit
SIMON DORFLERUS,
Silesius.

In Gymnasio Gedanensi.

Ad diem Octobr.
Horis locoq; destinatis.

DANTISCI,
Typis Viduæ GEORGII RHETIL
Anno M. DC. XLIX.

D. O. M. A.
GYMNASII ETHICI
EXERCITATIO IX.

Liberalitate &

Modestia.

PRÆSIDÈ

HENRICO NICOLAI.

Phil. Profect. Publ.

SIMON DORFELERUS.

Silicibus.

In Gymnasio Gedanensi.

Ad Class. Orib.

Horis Ioseph. Gellianis.

DANTISCI.

Typ. Vidue GEORGII RETHI.

Anno M.DC.XLII.

EXERCITATIO IX.

De

Liberalitate & Modestiâ.

Virtus directa subjectum proprium in-
primis perficiens hactenus fuit, *Temperantia*
& *Fortitudo*. Sequitur, quæ aliud quid etiam
respicit, ut & illud juvetur, fructusq; virtuosi
Actus ad alium inprimis derivetur. Hoc in sumptu, ho-
nore, conversatione, & actu externo cum alio regendo
moderandoq; inprimis fit. Unde *Liberalitas*, *Modestia*,
homiletica Virtus, similisq; Virtus. V. d. 7. t. 1.

2. *Liberalitatis* Vox interdum *Libertatem* animi
servituti oppositam, sic liberalitate liberos contineri
satius, quàm metu, *Terent. And. a. 1. f. 1.* Et liberaliter vel
serviliter aliquem educari dicitur: interdum *Benignitatem*,
ut, cum poena remittitur aut condonatur, & clementiam
includit, quò de significato *Crellius C. Grotium C. 2. & 6.*
contendit, ac exempla ex *Cicerone ac Manutio* adducit,
vel omnem *Virtutem* in pecuniâ occupatam, sic Magni-
ficentiam, vel officia promptè communicantem, sic offi-
ciositatem continet, vel in pecuniâ moderatâ occupatam
notat, sic hîc sumitur. A *Liberò ac liberali* dicitur, quòd
maximè liberò & ingenuò digna, vel alios benefactis li-
beret, vel liberè alii subveniat. Dicitur & *Benignitas*,
Beneficentia, *Largitas*. &c.

3. *Realis Tractatio* Definitione, subjectis, Divisione,
Cognatis, & Oppositis constat.

4. *Definitio* est: Virtus moralis directa, medium pru-
dencia circa opes moderatas & privatas dandas & accipiendas
servare docens.

5. *Genus Virtus moralis directa est, quæ d. 4. patent. Differentia è formali versandi Ratione, & objecto circa quod sumitur. Formalis Ratio est munus & officium, quod Liberalis ut talis se in objecto suo tenere debet, ut nomen & rem liberalis justè tueatur. Hoc medium prudentiæ servare est. Illud quid sit d. 4. 1. 5. patet. Officium hoc modum servat, & in dandò, & in accipiendo. In dandò liberalis animò promptus, munere consideratus, circumstantiis circumspectus, & Intentione honestus sit. Promptus, ne tædiosè, torpidè, cum irà, rancore, tristitià, molestià, det, undè grave accipienti munus fiat. Bis dat, qui citò dat. Et Virtus habitus est, qui promptè & faciliter operari docet. V. Sirac. 15. v. 11. 2. Cor. 9. v. 7. seq. Undè Liberalitas non doni magnitudine, sed donantis promptitudine æstimanda. Nam Beneficium inviti velut Panis lapidosus est, quem esuriens accipit, sed comedere nequit. V. Senecam l. 1. de Benef. C. 7. & l. 11. C. 7. Et liberalis etiam non rogatus dat, ut Sol ultra splendat.*

6. *Munere consideratus, ut quantitatem & qualitatem suam facultatem, & accipientis necessitatem, ac similia spectet. Ne aliis donet, & ipse egeat, hoc enim ratio prudentiæ non sùadet: Et, ut munus utile, non noxiũ sit, hoc enim onus, non munus est; & proprium, non alienum, secus transfers bona, non offers, ut Papa aliena regna dans. V. Benzo l. 3. nov. Orb. C. 3. Sive acquisitum, sive hæreditatum proprium sit, & honestum, non inhonestum sit, hoc enim vitio sordet, non beneficio splendet. Sic Gnostici & uxorem ad stuprum dandam censebant: Nec moraliter inhonestò modo partum sit; ut fœnore, Lenociniò, Rapinà, Aleà, Piraticà, Potatione. Eleemosyna inde dari potest, Dan. 4. v. 24. Luc. 11. v. 41. Quæ magis Theologicæ & Spiriti-*

Spirituali virtuti, quàm civili accedit, sed civilis Liberalitas exerceri propriè indè non potest. Carnificinam quidam hic jungunt, nè indè acquisitum sit. Sed Carnifex, si probus & bonus, moraliter inhonestus non est, eoq; liberalis esse potest, etsi Politicè status ejus informior habeatur; quod Naturà sui tamen non est, cùm Judicis Administer & Executor sit, & DEI aliud judicium est, 2. Chron. 19. v. 6. 7. *Vt in Politicis amplius docetur.*

7. *Circumstantiis circumspectus, ut Locus, Tempus, Personæ, quibus, & coram quibus datur, attendantur.* Sic non dandum Loco, quo tu Te ostentes, alter pudeat. *V. Matth. 6. v. 2. Tempus, ut tempestivè, ubi succurri potest, non extra illud, ubi extractum istud.* Sic citò dare Beneficium augeat, tardè minuit *t. s. Quibus, ut illos deceat, non dedeant.* Sic Nero militi 4. tonnas auri dedit, cui 1000. Imperiales satisfecerint. *Dion. l. 61. Alexander Urbem dedit, cui pagus satis, &, non quid te, sed medeant, dixit. Stultà voce, cùm Regia videatur. V. Sen. 2. d. Ben. C. 16. Et ut dignus detur, non indignis, nè gemmas porcis projiciamus, Matth. 7. v. 6. Coràm quibus, nè coràm illis, qui accipienti opprobrent, aut danti insultent. Sic enim ingratum beneficium redditur. Intentione honestus, nè pravò fine fiat. Virtus enim sub formali honesti exercenda, d. 3. t. 8. Sic si Lucri, Glorix, Ostentationis, Honoris amore, aut inhonestà spe, damni metu, importunitate petentis vitandà detur, non Virtus est. V. Matt. 6. v. 12. Sic qui ob Potationes dant. &c. Pulcrè Orenus l. 5. Vir justus dat cuiq; suum, sed te dare oportet*

Divitibusq; suum, Pàuperibusq; tuum.

8. *In accipiendò vel alius, vel ipse liberalis spectatur. Alius, qui accipit, sit egenus, ut dandis egeat, etsi aliàs*

magnò Genere & statu fit, & infortuniis dejectus. *V. Sirac.*
29. v. 12. *Dignus*, ut mereatur donum, non poenam: *Honestus*, non inhonestus, noxius, contumax, aut validus mendicans, Erro, Cingarus, otiosus, scurra. *V. Camer.*
C. 1. c. 16. 17. C. 2. c. 34. 75. Qui ergasterijs coercendus, non in vitijs alendus est, nisi fortè ignotus sit, ubi *Aristot.* illud valebit: & ἥρως, ἀλλὰ ἐνδεής, non Moribus, sed Homini: *Et dignus vel Ecclesiasticus*, qui in Scholà & Ecclesià laborat. Cui Dei iussu dandum, *Num. 18. Deut.* 26. 1. *Cor 9. v. 9. seq. vel Politicus*, qui in Republ. Indè Tributa, Adxrationes, Capitationes, Jugationes, necessariæ. *V. Rom. 13. v. 6. 7.* Item *Amicus*, qui magis Ignotò juvandus, sed usq; ad Aras, non, ut Agesilaus, omnimodè: *Vel Cognatus & domesticus* est, ut Parens, Frater, Soror, cujus ratio habenda, & negligens fidem negavit, 1. *Tim. 5. v. 8.* Et à nobis ipsis diversus, Virtus enim communicans Liberalitas est, quæ alij subvenit. Prodesse nobis possumus, liberales aliis sumus. Sic clemens, misericors in alium, non teipsum. *V. Senecam 5. d. Benef. C. 9.*

9. *Liberalis ipse ab alio accipiens, prudens, moderatus, & necessitate inductus sit.* *Prudens*, ut ab eo, qui potest, & vult dare, accipiat, non quovis promiscuè. *Moderatus*, ut necessarium sumat, non nimium, nè sibi adjumentum, alteri detrimentum sit, & modò sineq; licitò, non illicitò, ut & ipse aliquando det. *Necessitate inductus*, non cupiditate, avaritià, tenacitate, cum satis habet, undè det. *Liberalis* enim magis dando, quàm accipiendo, consistit, daren. præclarius, quàm accipere. *Act. 12. v. 35.* Et magis regium est, ditare, quàm ditescere, ut *Ptolomæus Lagus Filius* dixit. Undè raro ditescit *Liberals*, quia magis effundit, quàm congerit: Et magis beneficiarios suos amat, quàm

quàm ab illis amatur, sunt enim velut opera sua, quæ
Causa magis amat, quàm illa Causam: Quia Amor magis
descendit, quàm ascendit, ut à Deo in Creaturas, Paren-
tibus in Liberos, Benefactore in Beneficiarium. Major
etiam honestas in dando est, etsi in capiendo major
Utilitas sit. *Et in conservando accepta, liberalis prudens,*
nè temerè perdat, cum justius retineat, Et moderatus
est, nè justo rigidius servet, nil alteri communicet. Sem-
per enim magis dare, quàm accipere hic spectatur, ac
reciproca accipiendi & erogandi vicissitudo est.

10. *Ex Objecto circa Opes moderatas versari dicitur.*
Objectum internum *Cupiditas* Opum mediocrium, exter-
num *ipsæ Opes* mediocres sunt, h. e. quævis Possessio, cu-
jus pretium nummò ut mensurà, ex communi hominum
Consensu & institutò mensuratur, ut Supellex, Agri, Pe-
cora, Libri, Arma, Utensilia, Vestes, &c. Undè promptè
hæc donans liberalis vocatur. Olim *Mercēs* pro Mercè-
bus commutatæ, *Plin. l. 33. C. 3.* Americani pro ludi-
cris Aurum & Argentum, in Mexico fructu, in Peru foliò
res commutant. Necessitatis tempore è coriò, stan-
nò, papyro, nummus paratus, & eo res commutatæ.
K. Dec. 3. d. 6. t. 6. In hoc verum Objectum Liberalitatis
esse patet. 1. *Quia Denominatio Liberalis* indè est, si quis
pecunias promptè erogat, non si temperanter, clemen-
ter, justè, modèstè, se gerat. Sed undè liberalis denomi-
natio præcisè sumitur, id proprium ejus Objectum esse
oportet. 2. *Quia Opposita* Liberalitatis ab abusu pecu-
niæ dicuntur. Ut, si quis nimium eam effundat, prodi-
gus, si nimium retineat, tenax & avarus, si nimis desideret,
cupidus vocatur. E. ipsam Liberalitatem in eò Objectò
versari oportet.

11. 3. Si vox extendatur ad Officiorum etiam Communi-
 cationem, sic & Officiositatem amplectitur. Sic Ambrosius alijs
 Opera, pecunia, subsidio Liberal. impendi dicunt. Si
 communi significato sumatur, solum sumptum & opes
 respicit, & Officiositatem pro cognato habet, t. 15. 4. Ab-
 usus Vocis Liberal. est, si circa Effecta Iræ, & consequen-
 ter Iram versari dicas, ut liberalis sit, qui liberaliter Cul-
 pam condonet, Iram deponat, de Jure suo remittat, ut
 Crellius vult c. Grot. c. 11. Hoc n. Mansuetudinis, Lenita-
 tis, & Clementiæ est, nec in Ethicis unquam hoc Libe-
 ralitas dictum, nec apud Latinos Scriptores faciliè inveni-
 etur, etsi Liberalis Vocem ad varia extenderint, t. 2. Nec
 vocum usitata significata novare aut convellere nostrum
 est. d. 1. t. 6. 5. Opes, Sumptus, & Divitia per se natura-
 liter nec honestæ, nec inhonestæ sunt, nec bonum, nec
 malum faciunt, sed indifferentes sunt, & Usus earum le-
 gitimus aut illegitimus, moderatus aut immoderatus, vir-
 tuosum & vitiosum facit. Sic Cibus, Potus, per se indif-
 ferens. Usus ejus Virtutem & Vitium facit. Ex Vete-
 ribus Hieronymus & Pelagius, ex Novellis Photiniani, ut
 Smalcus C. 5. de div. Christi. Et d. 7. c. Frant. t. 142. Osto-
 rodus, & Anabaptista, divitijs in Christiano iniquiores
 sunt. Sed nusquam in N. T. absolutè eæ rejiciuntur aut
 reprobantur, sed bonus earum Usus præcipitur. Luc. 16.
 v. 9. Marc. 10. v. 24. 1. Tim. 6. v. 18. & Liberalitas com-
 mendatur. Nisi singularem vocationem habeas, ut Ju-
 venis Matth. 19. Marc. 10. Luc. 18. Hi etiam Communi-
 onem Opum & Divitiarum introducunt, quod & Theolo-
 gicè, Prov. 5. v. 17. & Ethicè, ut quod propriam in morato
 Liberalitatem tollit, & Politicè, nam studium defendendi
 publica evertit, inconveniens, Apud Papistas volunta-
 ria

ria paupertas per modum Consilij in Monachatu svadetur. *V. Bellarm. l. 2. d. Mon. C. 20.* Sed n̄ peculiaris Dei h̄c vocatio sit, ut in Apostolis, etiam id vix licitum est.

12. *Divisio Lib. ex speciebus in Sacram*, quæ in re sacrâ & sacri finis ergò, ut eleemosyna, de quâ in Theolog. Propriè enim huc non pertinet, etsi analogâ sit, *1. 6. & Civilem* est, quæ ob finem civilem exercetur. *Hæc sumptuaria*, quæ sumptus & munera erogât, *1. 5. 6. Et tractatoria* est, quæ convivia & hospitia dispensât, & *Hospitalitas* dicitur, *Liberalitas*, peregrinos & hospites benevolè complectens, ac hospitalibus Officijs prosequens est. Ejus Officium comis exceptio, liberalis tractatio, & amica dimissio est. *Oppositum* πολυζηνία & indiscreta omnium hospitalitas, & ἀξενία ac Inhospitalitas est. De Jabele Sifferam interimente an hospitij Jus violarit, *1. 10. Dec. 3. visum.*

13. *Ex Gradibus in communem & singularem est*, quæ communem gradum transcendit, & *Magnificentia* dicitur, *Liberalitas* sublimior in magnitudine sumptuum decorum publicæ honestatis gratiâ servare docens. Quidam specie ab illâ diversam docent, ut *Arniseus l. V. Pol. c. 5. Gutkius d. 7. Eth. q. 1. Elerus, Evenius, Acciaolus, alijsq.* Alij gradu differre volunt, ut *Piccolomin. gr. 4. C. 29. 49. Alstedius Eth. 3. c. 16. Timpl. c. l. q. 24. Keckerm. l. 2. Eth. c. 6. Casus, Vrsinus, Hormejus, Bartholinus, alijsq.* Estq; *Aristotelis 4. Nicom. C. 4.* quanquam *Timplero* contrâ videtur, ubi *Magnificentia* magnitudine excedere *Liberalitatem* ait. Unde *Liberalitatem* esse eam, consequitur, & sic non totâ specie differre dicitur. In his enim non licet affirmare unum de altero, ut non, *Justitia* est modestia, *Liberalitas* *Temperantia*, &c. Quod h̄c licet. Patetq; Quia utriusq; idem

idem obiectum, sumptus, publicum enim & privatū modum tantū mutat, non speciem. Sic equus, liber, publicus & privatus, specie idem, modo diversus: *Modus versandi in obiecto* idem, medium in sumptibus servare, *finis* idem, honestas moralis, & *opposita eadem*, Sordities, avaritia quædam in publico & splendido sumptu, ut avaritia in privato & mediocri, & luxus, prodigalitas in publico est. Modus aliquis hic diversus est, & modale discrimen facit. Liberalis in mediocri sumptu, Magnificus in magno, ille prodest, hic splendidè, publicè, magnificè, prodest. *Si latè specie differre* sumas, pro diverso modo & obiecto specialiter modificato differre, ut alius *modus obiecti in unâ*, alius *in alterâ sit*, sic specie differre dici possunt, non strictè. Et subjectorum discrimen, publicum & privatum, magnum & parvum, splendidum & abjectum, *accidentale discrimen, non specificum & essentiale faciunt*. Ut pauper & dives statu & accidente, non specie, differunt. Sic pauper nequit magnificus esse. (quanquam affectu quidam, posse ajunt, non actu. Sed affectus hic non sufficit, quia sumptus ingens requiritur, qui non in paupere,) etsi liberalis, quia plus illa requirit, quàm hæc.

14. *Subjectum ejus persona publica*, honesta, splendida est, non pauper & inhonesta, ut latro, meretrix. *Obiectum sumptus ingens & opus sumptuosum*, ut Templum, Academia, Gymnasium, Curia, Armamentarium, Arx, Stipendia lauta, domus, hortus, prædium. *Excessus luxus*, ut in Nerone, Caligulâ, Heliogabalo, Antonio, & Cleopatrá: *Defectus sordities* est, ut in Fl. Vespas. Pescennino, Amurathe III. Turcâ, &c. Quam Machiavellus contra decorum ac statum Principi svadet, & pejora hæc vitia vitij liberalitati oppositis sunt, quia publica, & è personis peccantibus conspectiora. *V. c. l. t. 12.*

15. *Cognata liberalitatis sunt virtutes, modo agendi aut medio ad eam congruentes. Ut benignitas, quæ & officiositas, prudenter officia offerre, & promptè exhibere docens, de eâ Seneca d. Tranq. C. 11. Sedulitas, Virtus ad officium proprium faciendum & acquirendum, undè alij benefacias, movens, de quâ Idem Ep. 94. Sufficientia, Virtus desiderium opum moderans, & contentationem statûs sui inducens, de quâ illud: Victus & amictus sunt divitiæ Christianorum. V. Ames. l. 5. Cas. C. 57. & l. 2. medul. C. 22. Parsimonia, Virtus providè acquisita custodiens, ut utiliter expendi queant. Oppositum ejus Illiberalitas est, quæ & Excessu fit, ut Prodigalitas, Vitium immoderatè bona profundens, quod simplex & complexum est, ac plerumq; Juvenum Vitium est, & Defectu, Avaritia, Vitium, nimium Bona corradens & tenens, quod Tenacitas, Quæstuositas, & Illiberalitas specialis est, cùm dando deficitur, & undecunq; nummus corraditur. Plerumq; Senum est, & pejus vitium prodigalitate est; quia plûs à virtute recedit, nihil dare, quàm nimium, tenaciùs inhæret, difficiliùs corrigitur, plûs incommodat, & Reip. magis nocet, nec officium ullum tam sanctum, quod avaritia non contaminet. Cic. p. Qvin. t. 26. Ac omnium malorum radix est, 1. Tim. 6. v. 10. Cùm prodigus quibusdam profit, & publicè aliquando prodesse possit; Avarus nemini prodesse cupiat.*

16. *Sic Liberalitas visa. Modestia à modò & modicò dicta, quòd modum honoribus statuât, aliàs humilitas, demissio, est Virtus directâ, Medium Prudentia in honoribus veris, debitis, & mediocribus, honestatis gratiâ servare faciens.*

17. *Genus Virtus directâ est, V. t. 4. Medium Prudentiæ*

dentix *c. l.* patet. *Objectum* Honor debitus & mediocris est, sub quo quodvis honoris signum, Vestis, Cultus, Servi, ædificia, convivia, continentur. *Honor est Officium Virtuti debitum, meritum ejus representans, ex Scaligero ex. 317. f. 3.* Et *Objectum* Virtutis est, ut hic, & *Effectum*, quā Virtuti debetur; & *Signum*, quā exhibetur, & extrinsecè promittitur. Ob Virtutem enim id fieri debet, vitio nullus honor haberi debet. Medium prudentiæ modestia in eò appetendo, acquirendo, admittendo, respuendo, acquiescendo, exhibendo, & servando tenebit, ut Subjectorum, modorum, quanti & qualis. Circumstantiarum, & similium justa ratio habeatur. Appeti & haberi honorem à Christiano posse Scriptura *1. Reg. 3. v. 17. 1. Tim. 5. v. 3. 17. Rom. 13. v. 7.* & Natura docet, ut quoddam honor Virtutis medium, incitamentum, præmium sit, bonæq; famæ Causa sit, & autoritas aliorum. Sic Horat. *l. 1. Ep. 17. Aut Virtus nomen inane est, aut decus & pretium rectè petit experiens Vir.* Quidam Anabaptistæ, Carlstadio, Enthusiastis, & similibus videatur. *V. Dec. 3. d. 6. t. 8.* De Honore varia quærentur, quæ *c. l.* videas.

18. Ex *Objectis* circa honorem & honoris signa, ut Vestes, ornamenta, ædes, ex gradibus communis & singularis dici potest. Hæc specialiter Magnanimitas dicitur, Virtus circa magnos honores appetendos & servandos medium prudentiæ servare docens. Virtutem esse Gualandus & Keckermannus negant, de quo *c. l.* videas. Christiano eam competere Anabaptistæ & alij negant, & humilitati contrariari censent. Neutrum verum, ut Deca *3. d. 6. t. 18. 22.* ostensum. Magnanimus ut publicus, virtute aliis eminens, excellens & sublimis, ut privatus, peccator, cum Deo agens, humilis & demissus esse potest. Gradu à modestiā differt, non specie. *Oppositum immodestia* est, quæ excessus & defectus est, de quo latius *c. l.* Et aliàs agi poterit.

tion
ere
and
re.
ti-
to:
are,
o
to-
t si
pe-
t.

